

জনশিক্ষা পরিচালকের মৃত্যুতে শিক্ষামন্ত্রীর শোক

শিক্ষামন্ত্রী কাজী জাফর আহমদ শুব্বার এক বিবৃতিতে বলেন : জনশিক্ষা পরিচালক ডঃ খলিলুর রহমানের আকস্মিক মৃত্যু সংবাদে আমি গভীরভাবে মর্মাহত হয়েছি।

ডঃ খলিলুর রহমানকে ব্যক্তিগতভাবে চেনা ও জানার সুযোগ আমার হয়েছিল। তাঁর মত সংকর্তব্য পরায়ণ এবং আদর্শনিষ্ঠ মানুষ খুব কমই দেখা যায়। শিক্ষার প্রতি তাঁর নিষ্ঠা ও অনুরাগ এতই প্রবল ছিল যে অসুস্থতার জন্য তাঁকে ছুটি প্রদান করা সত্ত্বেও তিনি ছুটে আসতেন তাঁর পক্ষতরে নিয়মিত কাজ সম্পাদনের জন্য। এমন দৃষ্টান্ত সত্যি বিরল।

শিক্ষাবিদ হিসেবে ডঃ খলিলুর রহমান বাংলাদেশের শিক্ষা সম্প্রসারণে ও উন্নয়নে যে কর্তব্য ও দায়িত্ব আন্তরিকতার সাথে পালন করে গেছেন তা চিরস্মরণীয় হয়ে থাকবে। জীবনের শেষদিন পর্যন্ত তিনি শিক্ষা

বিস্তারে যে অবদান রেখে গেছেন তা শিক্ষার সাথে সংশ্লিষ্ট সবাইকে অনুপ্রাণিত করবে।

আমি বিদেহী আত্মার মাগফেরাত কামনা করছি ও তাঁর শোকসন্তপ্ত পরিবারের প্রতি আমার আন্তরিক ও গভীর সমবেদনা জানাচ্ছি।